

LUB 12 HLIS HNUB TIM 21, 2020
NTAWV NTHUAV TXOG THE HENNEPIN
COUNTY
ATTORNEY’S LUB HOOB KAS HAIS TXOG KEV
SIV TXOJ KEV TXOV TAUS NEEG TXOJ SIA
RAU CHIASHER FONG VUE THAUM LUB 12
HLIS HNUB TIM 15, 2019

KEV QHIA TAWM

Cov pov thawj uas tshawb tau thiab koj los soj ntsuam ntawm txoj kev tshawb fawb no tsis txhawb txoj kev yuav tsub txim ua ntawv foob lub nroog Minneapolis cov tub ceev xeeb xws li Troy Carlson, Donnell Crayton, Daniel Ledman, Kyle Pond, Andrew Reed, Travis Williams, Jason Wolff, Aaron Womble thiab Toua Yang. Lub sij hawm thaum nws raug tua, Mr Vue yeej nqa thiab tua rab phom ntev uas tua tau tas mus li tuaj rau tub ceev xwm. Ua ntej thaum ntawv nws twb tau siv rab phom los hem nws tsev neeg.

Cov tub ceev xwm tua phom rov qab yam tiv thaiv lawv tus kheej thiab lwm cov tub ceev xwm, ua tus yam ntxwv vim txoj kev ntshai thiab txhawj xeeb tsam lawv raug mob los raug tuag. Yeeb vim qhov xwm txheem no, Lawv txoj kev siv kom txov tau neeg txoj sia mas yeej tsim nyog lawm yeeb vim txoj kev hawv thiab kev pom mas yeej tsim nyog lawm.

COV LUS UAS MUAJ TSEEB

Thaum 3:07 a.m. lub 12 hlis hnuv tim 15, 2019, Chiasher Vue tus tub uas muaj hnuv nyoog lawm tau hu 911 thiab tau hais tias nws txiv qaug cawv heev thiab pheej tua phom hauv lawv lub tsev ntawm 3114 Thomas Avenue North, Minneapolis, Hennepin County. Tus tub hais tias nws txiv “nyuam qhuav nyem phom nrov,” tua peb los yog plaub phom, es nws thiab nws cov kwv tij thiab muam ntshai heev. Tus tub kuj hais tias muaj lwm cov neeg uas yog lawv tsev neeg nyob nraum zoo hauv ib lub tsheb tab sis nws mus koj tsis tau nws pog “Mr Vue niam yog tus neeg zaum hauv laub lawm xwb” tawm ntawm lub tsev mus. Tus neeg teb xov tooj rau tub ceev xwm tau qhia kom tus tub tsav tsheb mus rau ntawm txoj kev Lowry thiab Thomas Avenues es mus ntsib cov tub ceev xwm ntawm Minneapolis Police Department (MPD) tov.

Muaj ntau tus tub ceev xwm tuaj ntawm qhov chaw nrog rau cov tub ceev xwm uas txawj hais lus hmoob. Cov tub ceev xwm ntsib Vue cov kwv tij thiab muam ntawm txoj kev Lowry thiab Thomas Avenues thiab lawv qhia rau cov tub ceev xwm hais tias muaj ib rab phom ntev nyob hauv tsev. Cov tub ceev xwm thiaj li thov kom muaj ib tug kws sib khom (negotiator) tuaj rau ntawv thiab kom lub tshab thauj neeg mob tuaj nres ntawm Lowry thiab Xerxes Avenues, nyob deb li ntawm tsib nplauv ntawm lub tsev. Mr. Vue tus ntxhais hu Mr. Vue lub xov tooj thiab tus tub ceev xwm hmoob kuj nrog Mr. Vue tham thiab.

Mr. Vue qhia rau tub ceev xwm hais tias nws mam li los ntawm lub qhov rooj yam tsa nws ob sab tes. Tab sis, nws tuaj txog ntawm lub qhov rooj ces cia li rov qab mus hauv tsev lawm. Nws rov qab tuaj txog ntawm lub qhov rooj li ib ob feeb tom qab tuav rab phom ntev yam twb lub hau phom rau hauv av. Nws tsa lub hau phom mus ncaj rau ntawm cov tub ceev xwm. Cuaj tug tub ceev xwm thiaj li nyem phom, thiab Mr. Vue kuj nyem phom thaum lub tsam thawj ntawv. [Cuab tsis tim seb leej twg yog tus tua thawj phom](#). Mr. Vue ntog rau hauv pem teb thiab rov qab sawv es [tsa nws rab phom zaum ob](#). Thiaj li muaj phom nrov ntxiv. Mr. Vue rov qab ntog dua ces lub suab phom thiaj li ntsiag lawm.

Cov tub ceev xwm kuj looj thiab taws lawv cov koob thiaj ntawm lawv lub cev (BWCs). Cov yeeb yaj kiab mas yeej tsawg heev vim kaw tau thaum cov tub ceev xwm mus khiav nkaum nraum qab tshab thiab ntoo thaum mos txwv ya tuaj, tab sis yeej pom Mr. Vue tawm ntawm nws lub qhov rooj nrog rau rab phom ntev. Cuaj tug tub ceev xwm uas muaj npe yeej tau tua phom mus rau Mr. Vue. Lub cav uas ntes suab phom nrov hu ua ShotSpotter nyob rau cheeb tsam ntawv ntes tau hais tias tua 6 phom thaum 3:47:12 thiab 56 phom thaum 3:47:14 ntev li 16 feeb tom qab.

Mr. Vue thiaj raug thauj mus tom tsev kho mob North Memorial Medical Center uas nws tau tag sim neej.

MPD Chief Medaria Arradondo tau thov kom Minnesota Bureau of Criminal Apprehension (BCA) mus tshawb fawb txoj kev siv zog tshaj tsis nyog los ntawm cuaj tus tub ceev xwm thiab xa lawv txoj kev tshawb fawb pom rau Hennepin County Attorney lub hoob kas los txiav txim seb cov tub ceev xwm txoj kev siv zaum no puas tsim nyog thiab puas muaj tej tug los yog tag nrho cov tub ceev xwm tau yuam cai thaum tua Mr. Vue

COV TUB CEEV XWM ZAJ TXOG QHOV XWM TXHEEJ

- **Sergeant Troy Carlson**

Minneapolis Police Sergeant Troy Carlson yeej tau ua hauj lwm rau Minneapolis Police Department rau 16 xyoo thaum qhov xwm txheej no tshwm sim. Nws yog tus thawj tswj Fourth Precinct Patrol Supervisor uas yog ua hauj lwm rau yav hmo ntuj thiab yeej kawm tiav hlo cov txheej txheem hauv SWAT. Cov ntaub ntawv txog tus neeg thiab kev kawm yeej tau mus nqa uas yog ib faim ntawm txoj kev tshawb fawb qhia tau hais tias Sergeant Carlson yeej tau mus kawm tsim nyog thiab yog ib tug tub ceev xwm uas meej pem. Sergeant Carlson nyob rau hauv

nws lub hoob kas ntawm Fourth Precinct uas nws yog ib tug Lieutenant thaum nws hnov cov neeg teb xov tooj hais tias tus neeg hu 911 tau tawm ntawm nws lub tsev vim nws txiv pheej tua phom hauv tsev.

Sergeant Carlson tau hu xov tooj thiab hais kom cov neeg hu tawm tuaj mus ntsib cov tub ceev xwm. Carlson paub tau hais tias muaj ib tug txiv neej muaj 50 mus rau 60 xyoo nyob rau hauv lub tsev. Nws tau mus rau ntawm txoj kev Thomas thiab Lowry es mus nrog cov tub ceev xwm thiab tsev neeg tham es paub tau hais tias rab phom yeej tau tua nrov tom qab tsev neeg tawm ntawm lub tsev mus. Nws kuj paub tau hais tias muaj peb rab phom ntev ntev uas nyob hauv tsev thiab muaj ib tug pog uas muaj 70 xyoo tseem nyob hauv tsev. Sergeant Carlson thiaj li hu rau tus The Watch Commander kom xa ib tug kws sib khom tuaj rau ntawm qhov chaw. Tus Watch Commander thiaj li pib ua txoj hauj lwm ntawv. Nws kuj teem ib lub tsheb thauj mob tuaj nres faj seeb tseg rau ntawm qhov chaw ntawv tsam muaj cov pej xeem los yog tub ceev xwm raug mob.

Sergeant Carlson qhia Officers Peng Moua thiab Ty Yang, uas hais lus hmoob, uas siv qhov qhia pej xeem qhov chaw nyob thiab mus cuag tus txiv neej hauv lub tsev, uas muaj npe hu ua Mr. Chiasher Fong Vue. Officer Moua thiaj nrog Mr. Vue tham yam siv lub xov tooj ntawm tes thiab qhia kom Mr. Vue tawm tuaj ntawm nws lub tsev yam tsa nws ob sab tes.

Sergeant Carlson kuj muaj kev txhawj xeeb txog qhov teeb meem no vim nws pau hais tias muaj phom nyob rau hauv tsev thiab txhua yam tshwm sim ceev heev. Seargent Carlson kuj paub tau hais tias hom teeb meem zoo li no kuj yuav loj hlob ceev heev thiab nws kuj txhawj txog ntawm cov tub ceev xwm uas yuav mus rau hauv lub tsev, nrog rau txoj kev nyab xeeb ntawm cov pej xeem uas tej zaum yuav muaj kev phom sij yog hais tias Mr. Vue nqa rab phom tawm ntawm lub tsev tuaj. Yuav luag tib lub sij hawm thaum Officer Moua hais tias Mr. Vue yuav tawm tuaj, Mr. Vue tshwm plaws ntawm lub qhov rooj. Officer Moua thiab Yaj nkawv thiaj li mus ncaj ntawm nws thiab qw ua lus hmoob.

Mr. Vue cia li rov qab nkag kiag ceev ceev hauv tsev. Seargent Carlson npaj ua ntej tsuas kom Officer Moua thiab Yaj sib txuas lus nrog Mr. Vue thiab kom Mr. Vue tawm tuaj rau ntawm txoj kev taug thiab kom nws txhos caug. Nws muaj kev txhawj xeeb heev txog txoj kev nyab xeeb ntawm tus pog uas tseem nyob hauv tsev. Ib sij huaj xwb nws hnov cov tub ceev xwm qw, “Nws muaj phom! Nws muaj rab phom ntev!” Nws hnov lwm tus tub ceev xwm qw, “Orange Orange Orange!” uas yog cov lus cim hais tias kom tua cov mos txwv uas tsis tshua muaj zog. Nws nyob nram qab ntawm ib lub tsheb uas nres, Seargent Carlson pom Mr. Vue rov qab los ntawm lub qhov rooj iav es siv nws lub xwb pwg los txheem lub qhov rooj kom qhib. Tom qab hnov hais tias muab cov mos txwv uas tsis tshua muaj zog ntsaws tag lawm, Seargent Carlson pom lub hau phom tsa hauv av los taw rau cov tub ceev xwm. Ces nws thiaj li hnov cov suab yaj phom thiab phom ntev nrov. Saib ntawm lub qhov rais mus Seargent Carlson kuj pom zoo li ib tug neeg kuj sawv ntsug ntawv ces nws kuj tua ob phom. Nws hnov lwm cov tub ceev xwm qw thiab hnov hais tias, “Txhob tua phom lawm!” Sergeant Carlson hnov Officer Andrew Reed ntawm nws lub puv hais tias nws yeej pom tus neeg ntawv meej meej lawm thiab nws tsis nti lawm.

Sergeant Carlson thiaj li pib npaj kev mus pab rau qhov xwm txheem phom sij heev thiaj kom Officer Donnell Crayton xa nws tus aub (K9) nrog nws pawg neeg ntawv mus seb puas tseem muaj kev phom sij rau cov tub ceev xwm thiab tus pog laus. Carlson thiab nws pawg neeg thiaj li nkag mus es thiaj li tshem Mr. Vue kom nrug deb ntawm nws rab phom, uas nyob ntawm nws ib sab. Mr. Vue raug tua lawm tab sis nws tseem ua pa; Carlson, lwm cov tub ceev xwm ntawm MPD, thiab cov kws kho mob thiaj li nqa nws mus rau lub tsheb thauj mob uas yeej nres nraum zoo lawm. Kuj muaj ntau tus neeg uas sawv cev rau MPD kuj tuaj txog thiab los tswj cov txheej txheem uas phom sij ntawv.

Sergeant Carlson nws yeej tuaj teev lus rau BCA cov lus tshawb fawb rau thaum lub 12 hlis hnuv tim 17, 2019. Nws yeej tsis tau saib daim yeeb yaj kiab ntawm nws lub koob thajj (BWC) ua ntej nws tuaj xam phaj.

Officer Donnell Crayton

Minneapolis Police Officer Donnell Crayton twb tau ua hauj lwm nrog Minneapolis Police Department rau xya xyoo ntau thaum qhov xwm txheej no tshwm sim. Cov ntaub ntawv txog tus neeg thiab kev kawm yeej tau mus nqa uas yog ib faim ntawm txoj kev tshawb fawb qhia tau hais tias Officer Crayton yeej tau mus kawm tsim nyog thiab yog ib tug tub ceev xwm uas meej pem. Officer Crayton raug xaiv los ua hauj lwm rau chav muaj aub (K9) thiab yeej muaj kev lav phib xaub thoob plaws lub nroog hmo ntawv nrog nws tus khub, uas yog tus aub muaj ob xyoo hom German Shepherd hu ua Jett. Officer Crayton nyob rau sab qaum teb hnuv tuaj ntawm lub nroog Minneapolis thaum nws hnouv tus neeg teb xov tooj tso tawm hais tias muaj teeb meem txog txheeb ze sib ntaus uas tus neeg tsim teeb meem tau tua ob phom hauv tsev. Nws tsav tsheb mus rau qhov chaw ntawv thiab paub thaum mus yuav txog hais tias tsev neeg tau tawm ntawm lub tsev thiab nyob rau ntawm txoj kev Lowry thiab Thomas Avenues nrog tub ceev xwm.

Thaum nws tuaj txog, Officer Crayton mus rau nram qab ntawm lub tsev es pom tau hais tias tus MPD tus tub ceev xwm txawj hais lus hmoob nrog tus neeg nyob hauv lub tsev tham, thiab Mr. Vue twb yuav tawm ntawm lub qhov rooj yam tsis muaj teeb meem. Officer Crayton kuj paub tau hais tias Sergeant Carlson tau thov tus kws sib khom lawm. Officer Crayton rho Jett tawm ntawm lub tsheb es vam thiab cia siab hais tias Jett yuav txwv Mr. Vue kom txhob khiav los yog sib ntaus nrog tub ceev xwm. Officer Crayton thiab Jett khiav ntawm cov nyom mus rau sab pem qhov rooj ntawm lub tsev, thiab tub ceev xwm qhia nws hais tias Mr. Vue tawm tuaj thiab twb rov qab mus hauv tsev lawm.

Lub tsev tub ceev xwm-Minneapolis Police Department tso cai rau tus tub ceev xwm uas siv qhov txov tau neeg txoj sia rov mu saib daim yeeb yaj kiab ntawm qhov xwm txheej ua ntej tuaj teev lus. Lub koos haum BCA, yog lub koos haum tshawb fawb, kom mus saib cov kev cai ntawm cov koos haum ua ntej seb cov tub ceev xwm saib puas tau daim yeeb yaj kiab ua ntej tuaj teev lus.

Officer Crayton thiab Jett mus nkaum nram qab ntawm ib lub tsheb minivan uas twb nres lawm. Sergeant Carlson nyob ntawm Officer Crayton sab laug. Crayton nug seb puas tas muab Jett rov qab tso hauv lub tsheb tsam ib pliag Jett tsem ces ua rau tus neeg tsim kev kub ntxhov ntshai. Sereant Carlson hais tias tsis thas muab tso rau hauv, lwm tus tub ceev xwm twb sim hu rau Mr. Vue thiab twb hais kom nws tawm tuaj thiab cia li nyoo xwb. Officer Crayton pom lub qhov rooj qhib tab sis nyob rau ntawm nws pom thiab vim lub qhov rais ua fws, nws kuj tsis pom tus neeg tab sis pom lub hau phom tawm ntawm qhov rooj yam “mam mam npaj”, txhais tau hais tias muab taw rau hauv av. Officer Crayton thiab lwm cov tub ceev xwm qw, “Phom ntev!” ces lub hau phom ntawm rab phom ntev pib tsa zuj zus. Nws ntshai tsam Mr. Vue tua nws los yog tua lwm cov tub ceev xwm, Officer Crayton thiaj tua nws rab phom. Nws pom tau hais tias Mr. Vue twb tua rov qab tuaj thiab thaj li qw, “Nws tua phom lawm!” Officer Crayton pom tau hais tias rab phom ntev ntawv yuav muaj zog txaus uas nws cov mos txwv yuav tua tshab tub ceev xwm cov tsho khuam yog hais tias tua raug lawv.

Officer Crayton pom Mr. Vue thim rov qab thiab, ntseeg tau hais tias tsis tau raug Mr. Vue, thiaj tau qw, “Ua li nws rov qab lawm!” Officer Crayton ntseeg tau hais tias Mr. Vue rov qab nkag mus nkaum los yog mus ntim mos txwv. Tsis paub saib nws tua puas tsawg phom thiab muaj puas tsawg lub mos txwv seem hauv nws rab phom, Officer Crayton thiaj li rov qab mus ntsaw mos txwv nram qab ntawm lub tsheb minivan. Officer Crayton pom Mr. vue sab ko taw nyob rau pem teb thaum nws ntog lawm ces lwm cov tub ceev xwm hais tias, “Nws vau lawm!”

Officer Crayton thiab Jett, uas yeej muaj hlua khi thiab raug tuav los ntawm Officer Crayton txhua lub sij hawm, mus rau hauv lub tsev nrog rau lwm cov tub ceev xwm thiaj txiav txim tau hais tias Mr. Vue yuav tsis muaj kev phom sij rau lawv los yog lwm leej lwm tus lawm.

Officer Crayton yeej yeem tuaj teev lus rau BCA cov kws tshawb fawb thaum lub 12 hlis hnuv tim 18, 2019. Nws thiab nws tus kws li choj twb saib daim yeeb yaj kiab ntawm nws lub BWC ua ntej tuaj xam phaj.

- **Officer Daniel Ledman**

Minneapolis Police Officer Daniel Ledman twb tau ua hauj lwm nrog Minneapolis Police Department rau 13 xyoo thaum qhov xwm txheej uas tshwm sim. Cov ntaub ntawv txog tus neeg thiab kev kawm yeej tau mus nqa uas yog ib faim ntawm txoj kev tshawb fawb qhia tau hais tias Officer Ledman yeej tau mus kawm tsim nyog thiab yog ib tug tub ceev xwm uas mee pem. Officer Ledman ua hauj lwm nrog nws tus khub Officer Jason Wolff. Nkawv nyob ntawm tsev tub ceev xwm Fourth Precinct thaum nkawv hnov los ntawm tus kws teb xov tooj hais tias muaj cov txheeb ze sib ntaus uas tua phom hauv tsev lawm. Lwm cov tub ceev xwm kom cov neeg nyob hauv lub tsev tawm mus es Ledman thiab Wolff mam li ntsib lawv.

Officers Ledman thiab Wolff mus txog ntawm txoj kev Lowry thiab Thomas Avenues ces pom peb tug txiv neej thiab ib tug poj niam los ntsib nkawv. Lwm cov tub ceev xwm kuj

qhia kom cov neeg los ntsib lawv yam siv lub puv los hais. Officer Ledman kom ob tug txiv neej, uas yog ob tug kwv tij, mus zaum hauv nws lub tsheb tub ceev xwm los qhia cov xov tseem ceeb. Tus tij laug hlob hais tias nws txiv qaug cawv heev thiab tau nrog nws sib cam thiab nrog lwm tus kwv tij sib cam. Nws hais tias nws txiv muaj cov phom ntev ntev thiab nws txiv tua phom tom qab nws thiab nws cov kwv tij thiab muam tawm hauv lub tsev mus. Tus kwv tij sab tov tsis tshua kam qhia cov xov ceem tseeb es xav rov qab mus hauv tsev mus nrog nws txiv tham tab sis Officer Ledman qhia nws hais tias yuav tsis nyab xeeb vim muaj kev cuam tshuam nrog rab phom lawm.

Thaum lwm cov tub ceev xwm tuaj txog, Officer Ledman sim qhia seb tsev neeg muaj leej twg thiab tus txiv neej nyob hauv tsev nrog rab phom. Nws paub tau hais tias muaj ib tug pog laus tseem nyob hauv tsev. Muaj tub ceev xwm uas txawj hais lus hmoob tau sib txuas lus nrog Mr. Vue, hauv xov tooj, thiab Officer Ledman to taub hais tias Mr. Vue yuav tawm ntawm nws lub qhov rooj tuaj.

Officer Ledman txav ze zus thiab mus nkaum nram qab ntawm ib tso ntoo uas nyob ob lub tsev rau sab qaum teb 3114 Thomas. Nws pom Mr. Vue los rau ntawm lub qhov rooj, hnov cov tub ceev xwm uas txawj hais lus hmoob nrog Mr. Vue tham, thiab pom Mr. Vue mus rov qab sab hauv lawm. Dhau li ib nas this, ces Mr. Vue rov qab los ntawm qhov rooj, ces lwm tus tub ceev xwm hais tias Mr. Vue muaj rab phom ntev. Nyob nram qab ntawm tso ntoo Officer Ledman kuj pom ua ntej mas ib qho dub dub uas nyob ntawm Mr. Vue ib sab ces nws pom lub hau phom tawm tuaj. Officer Ledman xav hais tias qhov no “Qhov no vwm dhau lawm” vim tus neeg no yeej paub hais tias muaj tub ceev xwm nyob ntawv thiab twb sim sib txuas lus hmoob nrog nws es nws rov qab mus hauv tsev es tawm tuaj rog rab phom. Yeej paub hais tias nws muaj cov khub nyob ntawm ib sab thiab pem qaum tsev, Officer Ledman thiaj pib tua nws rab yaj phom. Nws pom Mr. Vue vau rau hauv pem teb rau hauv lub maum kaum tsev. Officer Ledman txav mus ze zog li ib lub tsev es pom Mr. Vue sawv los zaum. Ntshai tsam Mr. Vue rov qab tua dua yog hais tias nws tsis rov qab tua, Ledman thiaj tua nws rab yam phom ntxiv txog thaum mos txwv tag. Nws rov qab ntim mos txwv rau nws rab phom ces thiaj li txav ze zog mus rau ntawm Officer Yang thiab Wolff. Muaj ib lub sij hawm thaum qhov teeb meem no Officer Ledman ntseeg tau hais tias nws hnov ib tug tub ceev xwm qhia hais tias nws yuav siv cov mos txwv uas tsis tshua muaj zog.

Officer Ledman mus txog ntawm lub tsev thiab Mr. Vue nrog rau lwm cov tub ceev xwm thiab pom rab phom ntev ntawm qhov chaw uas Mr. Vue ntog thiab nws tsis nti lawm. Thaum yuav tawm ntawm lub tsev mus nws pom cov plav tooj mos txwv nyob rau ntawm tus tau ntais ntu yuav nces mus rau xab ob.

Khw yees li ib lub lim tiam ua ntej, Officer Ledman twb tau mus txog ntawm 3114 Thomas vim muaj neeg hu txog kev kub ntxhov los ntawm neeg xiam hlwb rau ib tug hauv tsev neeg uas tsis nyob rau hmo ntawv lub 12 hlis hnuv tim 15. Officer Ledman tau ntsib Mr. Vue ib me pliag rau lub sij hawm ntawv thiab muaj kev ntsib nrog tus tub qhia txog qhov xwm txheem rau hnuv tim 15 tshaj.

Officer Ledman yeej tuaj teev lus rau cov kws tshawb fawb ntawm BCA rau lub 12 hlis hnuv tim 19, 2019. Nws tau saib daim yeeb yaj kiab los ntawm lub koob thaj BWC nrog nws tus kws lij choj ua ntej nws tuaj xam pha thiab tau saib ib ntu ntawm daim yeeb yaj kiab ob zaug diam.

Officer Peng Moua

Minneapolis Police Officer Peng Moua twb tau ua hauj lwm nrog Minneapolis Police Department rau tsib xyoo ntau thaum qhov xwm txheej uas tshwm sim. Cov ntaub ntawv txog tus neeg thiab kev kawm yeej tau mus nqa uas yog ib faim ntawm txoj kev tshawb fawb qhia tau hais tias Officer Moua yeej tau mus kawm tsim nyog thiab yog ib tug tub ceev xwm uas meej pem. Officer Moua yeej ua hauj lwm nrog nws tus khub Officer Ty Yang, tseem mus daws lwm qhov teeb meem lawm thaum nkawv hnov tus neeg teb xov tooj hais tias muaj ib tug txiv neej esxias tua tua phom hauv nws lub tsev. Tsis tau ntev li ib lim tiam los no, Officer Moua twb tau mus ntawm lub chaw nyob vim lawv hu txog ib tug neeg hauv lawv tsev uas tsis nyob ntawv rau lub 12 hlis tim 15. Nkawv thiaj li mus rau qhov ntawv thiab paub tau hais tias tsev neeg thov kom muaj tub ceev xwm hmoob, uas Officer Moua twb yog hmoob.

Thaum nkawv mus txog, Officer Moua nrog tus txiv neej uas nyob sab hauv tus ntxhais tham es nws hais tias nws txiv tau tua phom hauv tsev es lawv khiav tawm tuaj hu tub ceev xwm. Nws hais tias nws txiv tau chim siab heev thiab tau haus cawv ib hmo lawm. Nws tau hais tias nws txiv tau mus sab sauv mus tua nws rab phom. Nws hais tias nws tsis xav hais tias nws txiv tsis txhob txwm tua kom raug leej twg tab sis nws tseem nyob hauv tsev thiab tsis txawj lus askiv. Officer Moua hais kom tus ntxhais kav tsim sim hu kom tau nws txiv yam siv tus ntxhais lub xov tooj ntawm tes.

Officer Moua siv nws lub paj taub hu seb puas tau Mr. Vue tab sis nws tsis teb. Ib pliag ntshis nws tus ntxhais hu tau rau Mr. Vue hauv xov tooj ces Officer Moua nrog nws tham. Mr. Vue chim heev thiab nws nthe heev. Nws hais tias nws tau muaj kev sib ceg nrog nws cov tub thiaj li ua rau nws tua phom hauv tsev. Officer Moua thiaj li teb yam qhia rau Mr. Vue hais tias, “Txhua yam yuav tsum zoo xwb... Peb tuaj no yog tuaj pab koj... Kuv tsuas xav nrog koj tham xwb.” Mr. Vue teb hais tias yog nws tawm tuaj nws yeej paub lawm hais tias tub ceev xwm yuav coj nws mus kaw. Officer Moua thiaj hloov nws txoj kev hais lus es qhia Mr. Vue hais tias lawv yuav coj Mr. Vue mus kho yog hais tias tsim nyog yuav coj nws mus tim tsev kho mob xwb.

Mr. Vue pheej tseem nthe thiab hais tias nws yuav ua kom leej twg raug mob. Officer Moua tsis paub seb Mr. Vue txhais tau hais tias Mr. Vue yuav ua kom nws tsev neeg los yog tub ceev xwm raug mob. Officer Moua cia Mr. Vue, “piav nws txoj kev ntsim siab,” thiaj li nug seb Mr. Vue puas kam tawm tuaj nraum zoov kom Officer Moua thiaj nrog tau nws tham. Officer Moua hais tias lawv yuav tsis coj nws mus tsev kaw neeg thiab kom Mr. Vue tawm tuaj yam tsa nws ob sab tes. Mr. Vue lub suab hloov kiag lawm thiab nws yeej tuaj nraum zoov.

Officer Moua pib nkag mus rau ntawm lub tsev ces mus ze li ntawm ib lub tsev thaum nws pom lub qhov rooj txuas qhib ces Mr. Vue cev nws lub tau hau tawm tuaj li ib feeb. Cov

tub ceev xwm nthe kom, “ Muab koj sab tes rau kom peb pom!” ces Mr. Vue rov qab nkag mus hauv lawm. Officer Moua hu Mr. Vue lub npe los Mr. Vue tsis teb , Officer Moua rov qab mus ntawm lub tsheb tub ceev xwm uas Mr. Vue tus Ntxhais nyob. Mr. Vue tus ntxhais tseem tham xov tooj nrog Mr. Vue ces Officer Moua kom tus ntxhais qhia Mr. Vue hais tias lawv tuaj pab nws thaib lawv tsis xav kom muaj dab tsi tshwm sim. Mr. Vue tus ntxhais kuj thov nws heev.

Officer Moua hnov ib tug tub ceev xwm ntawm lub puv hais tias, “Nws muaj ib rab phom ntev!” Officer Moua thiaj li hnov phom nrov. Officer Moua thiaj li mus tov ces txog thaum nws mus txog nws qhov chaw ze zog ntawm lub tsev, ces suab phom twb ntsiag lawm. Officer Moua pab lwm cov tub ceev xwm nqa Mr. Vue mus rau hauv lub tsheb thaum mob. Officer Moua tsis tau tua nws rab phom rau qhov xwm txheej no

Officer Moua yeej yeem tuaj teev lus rau cov kws tshawb fawb tom BCA lub 12 hlis tim 23, 2019.

Officer Kyle Pond

Minneapolis Police Officer Kyle Pond twb tau ua hauj lwm nrog Minneapolis Police Department rau 5 xyoo thaum qhov xwm txheej uas tshwm sim. Cov ntaub ntawv txog tus neeg thiab kev kawm yeej tau mus nqa uas yog ib faim ntawm txoj kev tshawb fawb qhia tau hais tias Officer Pond yeej tau mus kawm tsim nyog thiab yog ib tug tub ceev xwm uas mee pem. Officer Pond tseem ua hauv lwm nrog nws tus khub, Officer Aaron Womble, thaum nkawv tau hnov tus neeg teb xov tooj hais tias muaj ib tug txiv neej tua phom hauv tsev. Officers Pond thiab Womble thiaj li mu tom Lowry thiab Thomas Avenues, ces Officer Pond hais kom tus neeg teb xov tooj hu mus rau cov neeg uas hu 911 rov qab kom lawv tham tau thiab muab tau cov xov ntau dua. Lawv pom peb tug neeg nyob rau ntawm qaum tsev ntawm 3114 Thomas Avenues thiab nthe kom lawv los ntawm cov tub ceev xwm.

Officer Pond tham nrog ib tug poj niam uas nws qhia hais tias nws txiv, uas tsuas txawj hais lus hmoob xwb, tua phom hauv tsev thiab muaj kab mob hauv hlwb uas kws kho mob ntes tseem tsis tau laib. Nws hais tias muaj ib co phom nyob hauv tsev. Vim hais tias no heev thiab qhov xwm txheem no tsis muaj kev nyab xeeb, cov tub ceev xwm kom tsev neeg mus zaum hauv cov tsheb tub ceev xwm. Officer Peng Moua, uas txawj hais lus hmoob, hu tau rau tu txiv neej ntawv, Mr. Vue, tham xov tooj, thiab Officer Moua hais tias Mr. Vue yuav tawm ntawm lub tsev tuaj.

Cov tsheb tub ceev xwm taws lawv cov teeb ntsa mus rau lub tsev kom teeb cig npaum li nruab hnuab. Nyob ntawm kev tshuam ntawm txoj kev Lowry thiab Thomas, Officer Pond pom lub qhov rooj qhib Mr. Vue cev tau hau tawm tuaj xauj, ces lub qhov rooj rov qab kaw dua lawm. Tos nco xwb lub qhov rooj rov qab qhib dua ces Officer Pond pom Mr. Vue tuav ib rab phom ntev ntev. Lwm tus tub ceev xwm nthe nrov, “Phom Ntev!” thiab Officer Pond hnov yam uas nws cim tau hais tias yog lub suab phom ntev nrov. Txhawj txog nws txoj sia, Officer Pond khoov mus nkaum nram qab ntawm ib lub tsheb thiab sim hu puv “Phom Nrov Lawm” tab sis tsis paub seb hu puas tau. Ces nws sawv ntsug thiaj li tua tsib los rau phom ncaj rau ntawm lub tsev tshab ntawm lub qhov rais tsheb uas nws nkaum nram qab tua tuaj mus. Officer Pond

ntseeg tau hais tias yeeb vim nws txoj kev kawm qhov no yog qhov kev nkaum zoo tshaj thaum nws tua phom. Officer Crayton nyob ze ntawm Officer Pond thiab qhia nws kom nws rov ntim mos txwv dua. Qhov kev sib tua ntsiag lawm.

Nrog rau cov tub ceev xwm, Officer Pond mus ntawm lub tsev thiab mus pab tshem Mr. Vue tawm ntawm lub maum kaum mus rau nram lub tsheb thauj mob.

Officer Pond yeem tuaj teev lus rau cov kws tshawb fawb ntawm BCA lub 12 hlis hnuv tim 17, 2019. Nws tau saib daim yeeb yaj kiav ntawm nws lub koob thaj (BWC) ua ntej tuaj xam phaj.

- **Officer Andrew Reed**

Minneapolis Police Officer Andrew Reed twb tau ua hauj lwm nrog Minneapolis Police Department rau tsib xyoo ntau thaum qhov xwm txheej uas tshwm sim thiab tau ua tub ceev nrog Savage Police Department tau 7 lub xyoo. Cov ntaub ntawv txog tus neeg thiab kev kawm yeej tau mus nqa uas yog ib faim ntawm txoj kev tshawb fawb qhia tau hais tias Officer Reed yeej tau mus kawm tsim nyog thiab yog ib tug tub ceev xwm uas mee pem.

Officer Reed tseem tab tom ua hauj lwm soj ntsuam kev ruaj ntseg nrog nws tus khub Officer Richard Brown. Nkawv tseem tab tom ua ib txoj hauj lwm yuav tiav ze rau ntawm Fourth Precinct thaum nkawv hnov tus neeg teb xov tooj qhia tawm hais tias muaj ib tug txiv neej tua phom hauv nws lub tsev nyob rau cheeb tsam uas nkawv ib txwm ua hauj lwm rau. Thaum nkawv tseem tab tom mus nkawv hnov lus kom cov tub ceev xwm mus rau tim lub tsev ntawv. Nkawv tsav tsheb mus txog ntawm txoj kev Sheridan Avenues thiab mus nram qab ntawm lub tsev uas nkawv mus ntsib lub tsheb thauj mob ces kom lawv muab txav kom muaj kev nyab xeeb rau cov neeg kho mob.

Officer Reed nres nws lub tsheb ces mus ntsib tub ceev xwm Crayton thiab nws tus aub K9. Officer Reed, ib tug kawm tawm txog kev siv cov phom uas tua tsis tshua muaj zog nqa nws rab phom tua ib teg thiab ntim ib lub mos txwv rau hauv. Nws hu mus rau lwm cov tub ceev xwm hais tias nws tuaj txog lawm thiab nqa rab phom uas tsis tshua muaj zog “40 mike-mike,” cov lus siv rau rab phom tsis tshua muaj zog. Officer Reed, Officer Brown, thiab Officer Travis Williams nres nram qab ntawm ib lub tsev nres tsheb uas yog nyob ob lub tsev deb ntawm sab qab teb ntawm 3114 Thomas.

Officer Reed thiaj li hnov Sergeant Carlson hu lub puv kom nqa rab phom tsis muaj zog tuaj rau ntawm txoj kev tshuam Lowry and Thomas. Officer Reed hla ntawm cov nyom thiab tuaj txog ntawm 3114 Thomas. Nws pom ib tug txiv neej, Mr. Vue, nres ntawm lub qhov rooj, thiab Officer Reed mus nkaum nram qab ntawm ib tso ntoo los yog tus ncej fais fab. Officer Reed to tau hais tias Mr. Vue yeem yuav tawm tuaj.

Mr. Vue, tab sis, cia li rov qab mus hauv tsev lawm thiab Officer Travis Williams tuaj txog ces nws hais tias nws nqa rab phom tsis tshua muaj zog tuaj tiv thaiv Officer Reed. Officer

Reed txav mus nyob nram qab ntawm ib lub tsheb SUV ces siv lub tau hau tsheb ntawv los teem nws rab phom uas tsis muaj zog ntawv. Thaum nws siv lub puv los hu nug cov kev qhia seb nws yuav siv rab phom muaj zog los yog tsis muaj zog yog hais tias tus neeg ntawv rov qab tawm tuaj, Mr. Vue tawm ntawm lub qhov rooj txuas muaj ib qho khoom nyob ntawm nws sab tes xis. Reed kuj cim tau hais tias qhov khoom ntawv khws li “yog rab SKS los yog AK yog Soviet cov phom qub” yam muab rab hau phom taw rau hauv av. Thaum Officer Reed tseem soj ntsuam seb yuav ntsib Mr. Vue nrog rau rab phom tsis muaj zog, Officer William hais tias Mr. Vue muaj ib rab phom.

Officer Reed nthe, “Orange!” nrov heev kom lwm cov tub ceev xwm nras txog ob yam: hais tias cov mos txwv tab tom tua tuaj yog cov tsis muaj zog, es tsis yog, cov mos txwv phom thiab kom lawv tsis txhob los tav kev ces tam sim ntawv, Mr. Vue tsa nws lub hau phom. Reed nthe, “Orange!” dua, taw lub teeb tsom ntawm rab phom tsis muaj zog mus rau ntu nruab nram ntawm Mr. Vue lub cev ces tua lawm. Officer Reed hnov “hnov phom nrov loj heev mus mus los los.” Ntseeg tau hais tias muaj tus neeg tsim teeb meem uas muaj lub hom phiaj yuav tua tub ceev xwm los yog twb tua tub ceev xwm lawm, Officer Reed thau nws rab yaj phom. Nws tsis tua phom tab sis hnov ntau suav phom nrov, nrog rau phom nrov ze ntawm nws tau hau uas nws ntseeg tau hais tias yog tub ceev xwm William tua phom muaj zog los tiv thaiv nws.

Thom qab Mr. Vue raug tshem tawm ntawm txoj kev nkag mus rau hauv tsev lawm, Officer Reed mus thiab pom rab phom ntev nrog lub xav xaws uas rho tau nyob ntawm pem teb uas yog qhov chaw Mr. Vue ntog. Reed mus rau sab hauv nrog rau cov tub ceev xwm mus kom txhob muaj neeg nyob hauv thiab pom cov plav tooj nyob rau xab ob ntawm lub tsev. Officer Reed cim tau hais tias cov plav hlau no yog los ntawm cov phom uas soviet tsim tau zoo li rab nws pom thaum Mr. Vue tuav nyob ntawm qhov rooj.

Officer Reed yeem tuaj teev lus rau cov kws tshawb fawb tom BCA thaum lub 12 hli hnuv tim 17, 2019. Nws thiab nws tus kws lij choj tau saib daim yeeb yaj kiab ntawm lub koob thaj (BWC) ua ntej tuaj xam phaj. Nws tua ib phom ntawm rab phom uas tsis muaj zog tab sis yeej tsis tau tua rab yaj phom.

Officer Travis Williams

Minneapolis Police Officer Travis Williams twb tau ua hauj lwm nrog Minneapolis Police Department rau 15 xyoo thaum qhov xwm txheej uas tshwm sim. Cov ntaub ntawv txog tus neeg thiab kev kawm yeej tau mus nqa uas yog ib faim ntawm txoj kev tshawb fawb qhia tau hais tias Officer Williams yeej tau mus kawm tsim nyog thiab yog ib tug tub ceev xwm uas meej pem. Officer Williams yeej nrog nws tus khub Officer Sworski ua hauj lwm. Cov tub ceev xwm teb xov tooj hais tias cov txheeb ze sib ntaus yam siv riam phom ces thiaj li tsav tsheb mus rau qhov chaw ntawv. Thaum mus txog ib nrab ke nkawv paub tau hais tias muaj ntau rab phom ntev nyob rau hauv lub tsev thiab tsev neeg tau tawm ntawm lub tsev es yuav mus ntsib tub ceev xwm ntawm txoj kev Lowry thiab Thomas Avenues. Tsev neeg tsis muaj tsab peev xwm coj tau lawv pog tawm ntawm lub tsev mus.

Lwm cov tub ceev xwm hais kom William thiab Sworski mus rau nram qab ntawm lub tsev. Officer Williams tawm ntawm nws lub tsheb los nyob rau qhov chaw kom pom nram qab ntawm lub tsev. Thaum cov tub ceev xwm uas txawj hais lus hmoob hais kom txav nram qab los rau pem qaum tsev, Officer Williams txav mus rau ntawm ib sab ntawm nram qab tsev. Officer Williams mus yam nqa rab phom tua tsis muaj zog thiab Officer William txiav txim siab thaiv nws thiab Officer Reed nrog rab phom muaj zog ces nkawv thiaj li mus rau pem qaum tsev. Nkawv tau hnov los ntawm lub puv hais tias tus neeg tau mus pem lub qhov rooj txuas ces rov qab nkag mus hauv tsev lawm.

Officers Williams thiab Reed mus nkaum nram qab ntawm ib lub tsheb ces Officer Williams pom ib tug txiv neej nyob ntawm lub qhov rooj txuas nrog rau rab phom ntev taw rau hauv av npuab ntawm nws ob sab ceg. Tus txiv neej ntawv tsa rab phom thiab taw tuaj mus rau lwm cov tub ceev xwm ces Officer Williams hnov suab phom nrov. Officer Williams nthe, “Phom Ntev!” thiab nws hais tias nws ntseeg tau nws tua ob phom rau tus txiv neej ntawv yam siv nws rab yam phom. Tus txiv neej ntawv ntog mus rau pem teb ces tsis nti lawm

Officer Williams yeem tuaj teeb lus rau cov kws tshawb fawb ntawm BCA thaum lub 12 hlis hnuv tim 17, 2019. Nws tau saib daim yeeb yaj kiab ntawm nws lub koob thaj (BWC) ua ntej nws tuaj xam phaj nrog nws tus kws lij choj thiab nws kuj saib tej ntu tshaj li ib zaug. Nyob rau ntawm nws qhov kev xam phaj nrog BCA Officer Williams tau hais tias thaum nws saib nws daim yeeb yaj kiab (BWC), nws hnov nws tus kheej hais tias, “Thaub” tsis txaus ntseeg hais tias tus txiv neej ntawv tawm ntawm qhov rooj tuaj nrog rab phom ntev.

Officer Jason Wolff

Minneapolis Police Officer Jason Wolff twb tau ua hauj lwm nrog Minneapolis Police Department rau rau xyoo thaum qhov xwm txheej uas tshwm sim. Cov ntaub ntawv txog tus neeg thiab kev kawm yeej tau mus nqa uas yog ib faim ntawm txoj kev tshawb fawb qhia tau hais tias Officer Wolff yeej tau mus kawm tsim nyog thiab yog ib tug tub ceev xwm uas meej pem. Thaum lub kaum ob hlis hnuv tim 15 nws tseem ua hauj lwm nrog nws tus khub Officer Ledman. Nkawv nyob tom Fourth Precinct cov hoob kas thaum nkawv hnov tus neeg teb xov tooj hais tias muaj phom nrov hauv lub tsev 3114 Thomas Avenue. Yeej paub hais tias yuav tsum muaj tshaj li ntawm ib lub tsheb tub ceev xwm mus rau qhov chaw ntawv, **nkawv pab thiab** mus txog ntawm Lowry thiab Thomas Avenues tom qab thawj lub tsheb tub ceev xwm mus txog.

Plaub tus neeg uas nyob ntawm lub tsev ntawv uas tuaj ntsib cov tub ceev xwm ob tug mus rau ntawm nkawv hos ob tug mus rau ntawm Officer Ledman thiab Wolff. Officer Wolff paub tau los ntawm nkawv hais tias uas nkawv pog uas laus heev tseem nyob hauv lub tsev uas leej txiv uas tua phom. Ib tug tub hluas uas nyob hauv lub tsheb tub ceev xwm tau hais tias muaj kev sib cav hauv lub tsev es nws txiv tau tua phom hem lawv. Tus tub hluas hais tias nws xav mus nrog nws txiv tham, tab sis cov tub ceev xwm tsis kam es ceev kom lawv nyab xeeb. Officer Wolff hu kom muaj tus tub ceev xwm hais lus hmoob tuaj, ces Officer Peng Moua thiab

Ty Yang tuaj txog. Tom qab sim ob peb zaug, Officer Moua thiaj li hu tau Mr. Vue hauv xov tooj.

Officer Wolff taws teeb ntsa mus rau lub tsev, uas nyob deb li ntawm ib nrab nplauv ntawm qhov chaw nkawv nres, siv lub teeb ntawm lub tsheb tub ceev xwm. Nws pom Mr. Vue tawm tuaj ntawm lub qhov rooj ceev tshaj li qhov nws xav lawm thiab. Peb los yog plaub tus tub ceev xwm mus rau ntawm lub tsev mus qhia Mr. Vue hais tias lawv xav nrog nws tham. Mr. Vue nkag rov qab mus hauv tsev lawm

Officers Wolff thiab Yang txav mus rau qhov chaw uas kom nkawv pom tshab plaws ntawm lub qhov rais thiab sawb ntawm txoj kev sab tiv saum ib pawg daus nram qab ntawm ib lub tsheb. Officer Wolff yeej thau nws rab yaj phom, ces Mr. Vue los ntawm qhov rooj. Officer Yaj hais tias tej zaum, “Nws muaj rab phom ntev” los yog “Nws muaj rab phom.” Officer Wolff yeej pom meej hais tias Mr. Vue tuav rab phom loj ntev nrog ib sab tes tuav ntawm kab teeb phom thiab ib sab tes tuav lub caj dab phom. Mr. Vue hais tej yam siv lus hmoob. Mr. Vue tsa lub hau phom ces raug tus pas hlau taw ntaiv. Nws thauj qab ces tsa rab phom tua rau qhov chaw Officers Reed and Williams nkawv sawv ze ze. Officer Wolff pib tua phom.

Officer Wolff khwv yees hais tias nws nyob deb li ntawm 75 feet thiab nws hais tias nws rab yaj phom yuav tiv thaiv tsis tau nws tus kheej thiab los yog tiv thaiv tsis tau lwm cov tub ceev xwm los ntawm Mr. Vue rab phom yog nyob deb li ntawv. Officer Wolff tua tag nrho nws cov mos txwv hauv xav xaws thiab tseem ntim ntxiv. Nws pom Mr. Vue dov dov haum pem teb, ces pom Mr. Vue cev tes mus muab nws rab phom dua. Officer Wolff hnov phom nrov tuaj ntawm lub qhov rooj txuas tuaj ces nws rov qab tua dua. Mr. Vue tsis nti lawm.

Officer Wolff nthe, “Txhob tua lawm!” ua raws nraim li Sergeant Carlson hais, Wolff thiab lwm cov thiaj li mus ntawm lub tsev uas Officer Wolff pom rab phom nyob ntawm Mr. Vue ib sab. Officer Wolff pom cov plav tooj ntawm rab phom nyob rau ntawm tus taw ntaiv mus rau xab ob thiab lub xav xaws nyob ntawm lub txaj hauv hoob txaj nyob sab sauv.

Officer Wolff yeej yeem tuaj teev lus rau cov kws tshawb fawb ntawm BCA thaum lub 13 hli hnuv tim 17, 2019. Nws tsis tau saib daim yeeb yaj kiab ntawm nws lub koob thaj (BWC) ua ntej tuaj xam phaj.

Officer Aaron Womble

Minneapolis Police Officer Aaron Womble twb tau ua hauj lwm nrog Minneapolis Police Department rau plaub xyoo ntau thaum qhov xwm txheej uas tshwm sim. Cov ntaub ntawv txog tus neeg thiab kev kawm yeej tau mus nqa uas yog ib faim ntawm txoj kev tshawb fawb qhia tau hais tias Officer Aaron Womble yeej tau mus kawm tsim nyog thiab yog ib tug tub ceev xwm uas mee pem. Officer Womble nrog nws tus khub, Officer Kyle Pond. Nkawv twb npaj mus pab lwm lub tsheb tub ceev xwm uas tau kom mus daws qhov teeb meem uas niam txiv sib ceg yam siv riam siv phom. Cov ntawv teev tseg ntawm nkawv lub computer hais tias tus neeg hu

911 ntawv nws txiv tau tua los yog nyem phom rau hauv tsev. Cov neeg nyob hauv tsev tau raug qhia kom koj txhua leej txhua tus tawm ntawm lub tsev mus.

Officers Womble thiab Pond nkawv yog ob tug thawj tuaj txog ces nkawv pom ib lub tsheb xim dawb los ntawm nkawv. Officer Womble tsom nws lub teeb mus rau ntawm lub tsheb, lub tsheb thiaj li nres, ces cov neeg tawm los es qhia rau cov tub ceev xwm hais tias lawv yog tsev neeg uas tau tawm ntawm lub tsev tuaj. Lawv hais tias tshuav lawv txiv thiab tshuav lawv pog uas laus laus lawm tseem nyob rau hauv tsev.

Officer Pond sim nrog Mr. Vue tham hauv xov tooj tab sis lawv yeej paub hais tias Mr. Vue tsuas txawj hais lus hmoob thiab ib tug tub ceev xwm twb npaj tuaj lawm. Ib lub tsheb tub ceev xwm tuaj txog ces taws teeb ntsa mus rau lub tsev. Vim nws paub txog hais tias muaj kev tua phom ua ntej ntawv lawm, Officer Womble nrhiav tau ib qho chaw nkaum nyob ib ncig ntawv thiab mus nkaum nram qab ntawm ib lub tsheb SUV. Nws pom Mr. Vue los rau ntawm lub qhov rooj iav thiab qhib li ntawm 45 degrees ntsia tuaj rau ntawm Officer Womble. Officer Moua, uas txawj hais lus hmoob, khiav mus rau ntawm Mr. Vue thiab mus nrog nws tham kom nws cia li tawm tuaj zoo zoo xwb.

Mr. Vue tawm ntawm lub tsev tuaj, nthe ua lus hmoob, ces cia li rov qab nkag mus hauv tsev lawm. Officers Yang, Wolff, thiab Ledman lawv nyob tau chaw ze lawm. Officer Womble vam thiab cia siab hais tias Mr. Vue yuav tawm tuaj thiab cia li nyoo zoo zoo xwb. Lub qhov rooj rov qab qhib dua ces Officer Womble pom lub hau phom tawm ntawm lub qhov rooj yam phab tes yeej tua rab phom uas npaj tua lawm xwb. Womble, hnov Officer Yang nthe, “Nws muaj ib rab phom ntev!” rab phom ntev uas yog xim dub ntawv uas muaj ib lub koob xoos uas taw rau hauv tab sis ncaj mus rau lwm cov tub ceev xwm. Officer Womble hnov Yang thiab lwm cov tub ceev xwm nthe, “Tso rab phom rau hauv av!”

Officer Womble pom lub hau phom thiab Mr. Vue sab tes tsa 90 degrees. Nws hnov phom nrov tawm ntawm cheeb tsam lub maum kaum ces nws thiaj li siv nws rab yaj phom tua rov qab txog thaum nws tsis pom rab phom ntev los yog hnov suab phom ntawm lub maum kaum tuaj lawm. Nws tua khwv yees li ntawm nees nkaum phom thiab muaj ib zaug uas tseem ntim mos txwv ntxiv. Officer Womble ntseeg tau hais tias Mr. Vue yeej nyem phom tuaj rau Officer Yang thaib Wolff. Thaum txoj kev sib tua ntawv nres lawm, Officer Womble nrog lwm cov tub ceev xwm mus xyuas kom txhob muaj neeg nyob hauv tsev ces pom rab phom ntev thiab cov plav tooj nyob rau ib cheeb tsam uas Mr. Vue nyob.

Officer Womble yeem tuaj teev lus rau cov kws tshawb fawb ntawm BCA thaum lub kau mob hlis hnub tim 17, 2019. Nws tau saib daim yeeb yaj kiab ntawm nws lub koob thaj BWC ua ntej nws nrog nws tus kws lij choj tuaj xam phaj.

Officer Toua Yang

Minneapolis Police Officer Toua “Ty” Yang twb tau ua hauj lwm nrog Minneapolis Police Department rau rau xyoo thaum qhov xwm txheej uas tshwm sim. Cov ntaub ntawv txog tus neeg thiab kev kawm yeej tau mus nqa uas yog ib faim ntawm txoj kev tshawb fawb qhia tau

hais tias Officer Yang yeej tau mus kawm tsim nyog thiab yog ib tug tub ceev xwm uas meej pem. Officer Yang nrog nws tus khub, Officer Peng Moua, tseem pab ib rooj thaum nkawv hnov hais tias xav tau tub ceev xwm mus pab ntawm 3114 Thomas Avenue. Officer Moua yeej tau mus rau ntawm lub npawb tsev ntawv ua ntej lawm thiab paub tau hais tias ib co neeg nyob rau ntawv yeej txawj hais lus hmoob.

Officer Yang tsav nkawv lub tsheb tub ceev xwm mus rau ntawm Lowry thiab Thomas Avenues. Officer Moua siv lub paj taub hu rau Mr. Vue ob peb zaug uas hais lus hmoob tab sis tsis hnov teb li. Officer Yang nyob hauv tsheb tos thaum Officer Moua mus nrog tsev neeg tham ces pom Mr. Vue tawm ntawm lub tsev tuaj. Officer Yang tawm ntawm nws lub tsheb thiab hais ua lus hmoob ob zaug, “Chia sher, tsa koj ob sab tes! Tawm tuaj! Los sib tham tso.” Mr. Vue tawm tuaj thiab los rau ntawm txoj kev taug tab sis nws tig rov qab es mus hauv tsev lawm. Cov tub ceev xwm txav lawv lub tsheb los rau ntawm qaum tsev, ces Officer Yang nkaum nram qab ntawm ib lub tsheb. Nws kuj pom lub qhov rooj qhib nram qab ntawm lub qhov rooj iav.

Officer Yang pom Mr. Vue los rau ntawm lub qhov rooj iav nrog rau rab phom ntev uas yog xim dub. Nws nthe, “Phom,” “Nws muaj ib rab phom,” “Phom!” thiab “Nws muaj rab phom ntev!” Officer Yang nthe ob zaug ua lus hmoob dua, “Chia Sher muab koj rab phom pov tseg! Tsa koj ob sab tes! Los sib tham!” Mr. Vue qhib lub qhov rooj iav thiab taw nws rab phom ntev rau nraum zoo. Officer Yang hais tias lub sij hawm no nws kuj “Yoob tag hais tias nws... tsis ua raws li hais thiab nws tseem tsim kev phom sij rau lwm leej lwm tus... nrog rau nws tus kheej.” Mr. Vue nqa rab phom ntev los rau saum nws sab xwb pwg thiab muab tsa. Officer Yang hais tias nws yeej paub Mr. Vue yuav tsis mloog nws hais ces Officer Yang hnov suab phom nrov. Officer Yang tua nws rab yaj phom, ntseeg tau hais tias nws tua kaum ob phom. Officer Yang hais tias thaum qhov teeb meem no tshwm sim nws kuj ntseeg tau hais tias muaj ob tug tub ceev xwm tua cov mos txwv uas tsis muaj zog ces raws li nws pom mas Mr. Vue yeej twb rab phom ntev mus rau tim nkawv.

Mr. Vue ntog rau haum pem teb, ces Officer Yang tsis pom nws lawm. Txoj kev sib tua nres lawm. Ces Mr. Vue rov qab sawv dua. Thaum Mr. Vue sawv los zaum nws tsa nws rab phom rau ntawm nws lub xwb pwg ces Officer Yang rov qab tua dua. Thaum nws tua, Officer Yang kuj hnov phom nrov hauv lub tsev tuaj, tej zaum muaj li peb phom. Mr. Vue rov qab ntog dua ces dov mus ua ntsais.

Officer Yang thiab lwm cov tub ceev xwm tsim tau txoj kev npaj mus rau ntawm lub tsev, Mr. Vue, thiab mus muab tus pog laus uas nyob rau sab hauv.

Officer Yang yeej yeem tuaj teev lus rau cov lus tshawb fawb ntawm BCA thaum lub kau mob hlis hnuv tim 17, 2019. Nws saib daim yeeb yaj kiab ntawm nws lub koob thajj ntawm BWC ua ntej nws tuaj xam phaj.

- **COV POV THAWJ NTAWM QHOV CHAW THIAB TXOJ KEV TSHAWB FAWB**

MPD Chief Medaria Arradondo thov kom BCA mus tshawb fawb txog qhov xwm txheej, thiab BCA cov kws tshawb fawb thiab cov kws kuaj kev yuam cai (Crime Lab) tuaj ceev nrooj txog thiab tau qhia lawv txog cov teeb meem no. Cov kws tshawb ntawm (Crime Lab) nrhiav pom Model GP WASR-10/63UF 7.62 x 39 mm caliber rifle, uas yog rab Romanian-made semi-automatic rifle, uas nyob rau ntawm Mr. Vue ntog. Nrhiav pom ntau ntau lub plav tooj ntawm rab phom 9mm, cov plav tooj ntawm 7.62 x 39, cov txhais ntawm cov mos txwv, thiab cov mos txwv ntawm cheeb tsam nrog rau sab hauv ntawm lub tseb 3114 Thomas, hauv cov tsev nyob ze ntawv, ntawm cov tsheb nres nraum zoo, ntawm cov kev tsav tsheb, thiab hauv Mr. Vue lub cev.

Chav som ntsuam phom (BCA Firearms Lab) kuaj cov khoom uas nrhiav tau nrog rau tub ceev xwm cov phom thiab los txiav txim tau hais tias:

- Mr. Vue tua 13 pom ntawm nws rab phom ntev(semiautomatic rifle), tua xya pom nyob hauv tsev, tsib phom nyob hauv lub maum kaum, thiab ib phom nraum zoo.
- Officer Crayton tua 13 phom.
- Officer Ledman tua 19 phom.
- Officer Womble tua 13 phom.
- Officer Yang tua 2 phom.
- Officer Moua tsis tau tua phom li.
- Officer Reed tsis tau tua phom li.
- Officer Carlson tua 1 phom.
- Officer Pond tua 7 phom.
- Officer Williams tsis tau tua phom li.
- Officer Wolff tua 4 phom.

Tus kws kuaj neeg lub cev (Hennepin County Medical Examiner) tau kuaj Mr. Vue thiab pom tau hais tias nws raug tua 13 phom thiab txoj kev tag sim neej yog vim cov kev raug mob ntawv. Txoj kev soj ntsuam dej cawv ntawm lub cev pom tau hais tias muaj 0.200 g/dl. Qhia kom paub hais tias, 0.08 g/dl yog qhov uas siab tshaj raws li txoj cai yog tsav tsheb.

Dhau li ntawm txoj kev yeem tuaj teev lus rau cov kws tshawb fawb ntawm BCA tsis muaj pes tsawg hnuv tom qab ntawm qhov xwm txheej ntawm qhov tshwm sim, tag nrho ntawm cuaj tug tub ceev xwm yeem tuaj kuaj txog kev haus dej haus cawv hmo uas sib tua ntawv. Txoj kev kuaj pom tau hais tias tsis muaj ib tug tub ceev xwm muaj kev qaug tsis hais hom qaug dab tsi.

DAIM DUA NTAWM MR. VUE RAB PHOM



• LUB ZEJ ZOG HENNEPIN COUNTY ATTORNEY’S LUB HOOB KAS KEV SOJ NTSUAM

Thaum lub peb hlis hnuv tim 16, 2016, Lub zej zog tus kws lij choj Hennepin County Attorney Mike Freeman tau tshaj tawm hais tias tub ceev xwm txoj kev siv txoj kev ua tau neeg tag txoj sia yuav rov qab raug soj ntsuam los ntawm Hennepin County Attorney’s Office yuav tsis muab xa mus rau pawg pej xeeb (grand jury) hauv zej zog los soj ntsuam. Ces, zej zog tus kws lij choj mam lo txiav txim seb puas tsim nyog tsub txim rau cov tub ceev xwm tus yam ntxwv uas puas yog txhaum cai thiab puas tsim nyog tsub cov txim. Lub zej zog tus kws lij choj Hennepin County Attorney tau los soj ntsuam qhov teeb meem no nrog ob tug thawj kws lij choj, es thaum lub kau mob hlis hnuv tim 21, 2020, thiaj li tau tsim tsab ntawv no tawm.

TXOJ KEV LOS SOJ NTSUAM TSAB CAI TXOG KEV SIV TXOJ KEV TXOV TAU NEEG TXOJ SIAB

- **A. Raws Li Txoj Kev Cai**

Nyob hauv teb chaws Meskas, cov tub ceev xwm tau kev tso cai los siv txoj kev txov tau neeg txoj sia thaum lawv ua lawv txoj hauj lwm los tiv thaiv lawv tus kheej thiab cov pej xeem los ntawm txoj kev raug tuag los yog kev raug mob nkeeg. Nyob rau xyoo 1985, lub tsev hais plaub loj-United States Supreme Court pom tau hais tias txoj kev siv qhov txov tau neeg txoj sia los ntawm ib tug tub ceev xwm mas yeej tsim nyog yog hais tias tus tub ceev xwm ntawv muaj “kev ntseeg tau hais tias tus neeg tsim teeb meem ntawv muaj kev hawv txog kev puas tsuaj hnyav heev rau tus tub ceev xwm los yog lwm leej lwm tus.” Lub tsev hais plaub kuj tau los hais txog txoj kev siv yam txov tau neeg txoj sia los ntawm tub ceev xwm thaum lawv los txiav txim rooj plaub xyoo 1989, *Graham v. Connor*, yog tuav ib qho khoom tsim nyog ntaus nqi hais tias yuav tsum siv coj los luj txoj kev txov tau neeg txoj sia (txoj kev tshawb los yog ywv khoom ntawm tsab cai hauv teb chaws Meskas-Fourth Amendment) Hauv cov kev cai ntawm teb chaws Meskas nrog tau ib tug tub ceev xwm. Txoj kev soj ntsuam seb puas tsim nyog mas yuav tsum saib zoo zoo txog cov xwm txheej muaj tseeb thiab cov teeb meem ntawm ib rooj plaub.

Lub tsev hais plaub-*Graham* Court tau teev cov nqi lus uas siv tsis tag thaum luj tus tub ceev xwm txoj kev txiav txim los siv qhov txov tau neeg txoj sia: 1) seb txoj kev yuam cai ntawv loj npaum li cas; 2) seb tus neeg tsim teeb meem ntawv puas muaj kev phom sij rau cov tub ceev xwm los yog lwm tus neeg tam sim ntawv; 3) seb tus tib neeg tsim teeb meem ntawv puas coj tus yam ntxwv tsis kam raug ntes los yog sim khiav kom txhob raug ntes.

Lub xeev Minnesota tsab cai txog kev siv qhov txov tau neeg txoj sia, Minn. Stat. § 609.066, siv cov lus muaj tseeb ntawm lub tsev hais plaub loj-United States Supreme Court teev muaj tseg nyob rau hauv *Graham*, thiab qhia hais tias yog ib tug tub ceev xwm siv qhov txov tau neeg txoj sia, nrog rau txhob txwm tua rab phom, yuav tsis ntaus nqi hais tias yog txoj kev yuam cai thaum tus tub ceev xwm yeej tsim nyog ua li ntawv lawm:

- Los tiv thaiv tus tub ceev xwm los yog lwm tus neeg los ntawm txoj kev raug tuag los yog txoj kev puas tsuaj rau lub cev ntaj ntsug;
- Los ntes los yog txhom, los yog tiv thaiv kom txhob khiav, ntawm tus neeg uas tus tub ceev xwm paub los yog ntseeg tau hais tias tau tsim los yog sim yuam ua lub txim loj-felony yam siv los yog hawv hais tias yuav siv txoj kev txov tau tib neeg txoj sia; los yog
- Los ntes los yog txhom, los yog tiv thaiv kom txhob khiav, ntawm tus neeg uas tus tub ceev xwm paub los yog ntseeg tau hais tias tau tsim los yog sim yuam ua lub txim loj-felony yog tus tub ceev xwm ntseeg tau hais tias yuav tsim txoj kev tua neeg los yog kev puas tsuaj yog ncuva txoj kev ntes nws.¹²

Dhau li ntawm txoj kev tsim nyog, tus tub ceev xwm siv qhov txov tau neeg txoj sia yuav tsum sib npaug zog li txoj kev hawv uas yuav raug tus tub ceev xwm thiab, tsis li ntawv, tsis txhob tshaj. Nyob hauv Minnesota, cov lus txog ntawm kev sib npaug zog nyob rau cov lus qhia rau pej xeem tuaj txiav txim txog ntawm kev tiv thaiv tub ceev xwm txoj kev siv qhov txov tau

neeg txoj sia mas tsis ntaus nqi hais tias yog txoj kev yuam cai. Thaum lub plaub hlis 2019, Lub tsev hais plaub-The Hennepin County District Court tau qhia txog cov kev sib npaug nyob hauv qab no los ntawm rooj plaub *State of Minnesota v. Mohamed Mohamed Noor*, rooj plaub tua neeg los ntawm txoj kev siv qhov txov tau neeg txoj sia los ntawm ib tug tub ceev xwm thiab thawj rooj plaub uas coj los hais nyob rau hauv Hennepin County:

Hom kev thiab txoj kev siv qhov txov tau neeg txoj sia los ntawm ib tug tub ceev xwm mas yeej raws txoj cai yog hais tias yuav siv tsim nyog los ntawm lwm tus tub ceev xwm uas nyob rau qhov xwm txheej ntawv, yam tsis muaj qhov cua tsis tim, uas ntseeg tau hais tias yeej tsim nyog. Yog siv txoj kev txov tau neeg txoj sia loj tshaj qhov no lawm raws li txoj cai mas siv tshaj dhau heev lawm. Yuav los txiav txim seb tub ceev xwm cov yam ntxwv puas tsim nyog, koj yuav tsum saib cov lus muaj tseeb uas tus tub ceev xwm paub txog rau lub sij hawm uas nws tau siv qhov txov tau neeg txoj sia tam sim ntawv. Yeeb vim txoj hauj lwm nyuaj los ntawm cov tub ceev xwm, koj yuav tsum tau los txiav txim seb tus tub ceev xwm tus yam ntxwv puas tsim nyog ua nyob rau tag nrho ntawm qhov teeb meem thiab cov xwm txheej raug tus tub ceev xwm, es tsis txhob yog tus tub ceev xwm txoj kev xav, txhob txwm los yog hom phiaj.

“Cov lus muaj tseeb uas tus tub ceev xwm paub nyob rau lub sij hawm thaum nws siv qhov txov tau neeg txoj sia” nrog rau txhua yam thiab tag nrho cov xov tseem ceeb uas tus tub ceev xwm muaj ua ntej siv qhov txov tau neeg txoj sia. Qhov no mas muaj xws li tab sis tsis txwv txiav nrog rau: (1) Cov xov tseem ceeb uas tus tub ceev xwm tau txais ua ntej mus txog qhov chaw ntawv tsis hais leej twg qhia rau nws, nrog rau lwm cov tub ceev xwm los yog pej xeem; (2) Qee yam uas tub ceev xwm pom ua ntej mus txog ntawm qhov chaw; (3) cov xov tseem ceeb uas nws paub tau thaum mus txog; thiab (4) tus tub ceev xwm txoj kev kawm thiab kev paub yav tag los. Cov xov tseem ceeb uas tus tub ceev xwm tsis paub thaum nws siv qhov txov tau lwm tus txoj sia tab sis mam paub tom qab qhov teeb meem tag kuj tsim nyog coj los tshawb fawb tag nrho tab sis tsis yuav ntaus nqi rau tus tub ceev xwm txoj kev txiav txim siab siv qhov txov tau neeg txoj sia.

Yog hais tias tus tub ceev xwm siv qhov txov tau neeg txoj siab uas tsim nyog rau ntawm ib qho laj thawj tshwj xeeb nyob hauv tsab cai Minn. Stat. § 609.066, kev sib npaug zog los ntawm txoj kev hawv yuav raug tus tub ceev xwm, thiab tsim nyog los soj ntsuam tag nrho kev muaj tseeb thiab xwm txheej, yuav muaj kev txhawb txog tsis tsim nyog tsub txim rau tus tub ceev xwm ntawv.

B. Cov Tub Ceev Xwm Tau Kev Tso Cai Rau Qhov Txov Tau Neeg Txoj Sia Rau Chia Sher Fong Vue.

Cuaj tug tub ceev xwm uas muaj feem xyuaj nrog rau qhov xwm txheem no tua tag nrho yog 59 phom rau Mr. Vue, uas tua raug 13 phom es tag nrho thiaj li ua rau Mr. Vue tag sim neej. Ua ntej ib tug tub ceev xwm twg mus txog rau ntawm qhov chaw, Mr. Vue thiab nws tsev neeg tau muaj kev sib cav sib ceg tag kis ntawv thiaj li ua rau Mr. Vue tau tua phom nyob rau hauv

tsev. Mr. Vue tus tub hu 911 thiab tag nrho nws tsev neeg tawm hauv lub tsev mus tsuas tshuav Mr. Vue niam thiaj nyob hauv lawm xwb.

Tag nrho ntawm cov tub ceev xwm uas tuaj ntawv tau txais cov xov tseem ceeb ua ntej thaum tuaj txog los ntawm tus neeg hu 911 hais tias nws txiv tau tua phom hauv lawv lub tsev thiab hais tias tus pog laus, uas zaum laub, tseem nyob rau hauv tsev. Raws li txoj kev coj los ntawm Sergeant Carlson, cov tub ceev xwm tau siv zog thiab ua hauj lwm kom tsim nyog npaj los daws qhov teeb meem no kom txhob muaj teeb meem nrog rau txoj kev mus nrhiav tau cov tub ceev xwm txawj hais lus hmoob mus nrog Mr. Vue tham, tseem teem ib tug kws sib khom tuaj rau ntawm qhov chaw, coj tus aub K9, thiab kom tub ceev xwm npaj cov mos txwv kom tsis tshua muaj zog yog tsim nyog siv.

Mr. Vue ib tug menyuam thiab cov tub ceev xwm hmoob nrog Mr. Vue tham hauv xov tooj thiab thov kom nws tawm hauv nws lub tsev tuaj thiab tsa nws ob sab tes. Qhov xwm txheem tshwm sim ceev heev txij qhov ntawv mus lawm, nrog rau Mr. Vue tuaj ceev heev los rau ntawm qhov rooj thiab qhib hlo. Mr. Vue kuj yuav tsum pom hais tias muaj tub ceev xwm coob heev nrog rau ob tug tub ceev xwm mus rau ntawm nws thiab hais lus hmoob rau nws. Ib sij huam xwb, Mr. Vue rov qab mus hauv tsev lawm, qhia rau cov tub ceev xwm hais tias lub sij hawm ntawv, nws tsis kam nyoo lawm.

Sai sai tom qab ntawv xwb, Mr. Vue rov qab los ntawm lub qhov rooj iav. Zaum no tub ceev xwm pom ib rab phom ntev nyob ntawm Mr. Vue sab tes uas nws tsis muaj thaum nws tuaj qhib qhov rooj ua ntej thawj zaug. Txoj kev hloov uas pom no thiab kev phom sij ceev heev thaum Mr. Vue tuaj ntsib cov tub ceev xwm. Yeej pom meej hais tias nws muaj rab phom uas phom sij heev thiab muaj ntau tus tub ceev xwm pom tau hais tias Mr. Vue rab phom ntawv kuj yuav tua tshab lawv cov tsho khuav tiv thaiv mos txwv. Cov tub ceev xwm pom Mr. Vue tsa nws lub hau phom twb mus rau qee tus tub ceev xwm. Cia li tsis tawm tuaj zoo zoo, uas yeej xav hais tias thawj zaug Mr. Vue tuaj rau ntawm lub qhov rooj, tam sim no nws ua rau ntau tus tub ceev xwm pos hais tias muaj kev phom sij los yog raug tuag.

Cuaj tug tub ceev xwm tau tua phom, yam li Mr. Vue thiab. Txawm hais tias ua ntej Mr. Vue tau tua phom, thiab txawm hais tias nws los yog ib tug ntawm cov tub ceev xwm tau tua ua ntej los, nws tus yam ntxwv uas tau tua phom hauv nws lub tsev, tawm tuaj ntawm lub qhov rooj uas tsis nqa phom thiab rov qab tuaj es ho nqa rab phom ntev (semi-automatic rifle), thiab tau tsa rab phom mus rau cov tub ceev xwm uas yeej muaj kev phom sij tam sim ntawv rau lub cev ntaj ntsug los yog raug tuag thiaj li tsim nyog cov tub ceev xwm siv qhov txov tau neeg txoj sia. Txawm hais tias ib tug tub ceev xwm sim siv cov mos txwv uas tsis tshua muaj zog, txoj kev siv phom los daws txoj kev hawv uas Mr. Vue tau tsim muaj yeej sib npaug zog thiab yeej tsis tshaj tshaj. Txoj kev hawv los ntawm Mr. Vue tua phom ncaj qha mus rau cov tub ceev xwm thiab yeej tseem phom sij txog thaum cov tub ceev xwm mus txog thiab pom meej hais tias Mr. Vue tsis tuav rab phom lawm thiab tsis muaj tsab peev xwm tua phom ntxiv lawm

Cov kev tshawb fawb los ntawm BCA tau mus nqa cov xov tseem ceeb uas txhua tus tub cev xwm tau los hais tias yeej muaj kev ntseeg hais tias Mr. Vue yog tus neeg tsim kev phom sij rau lub cev ntaj ntsug los yog raug tuag los ntawm cov tub ceev xwm thiab cov tub ceev xwm

yeej tsis muaj qhov yuam kev hais txog qhov xwm txheem uas lawv pom ntawv. Mr. Vue tsev neeg tau hu 911 qhia hais tias Mr. Vue tau tua phom hauv tsev yam tsawg kawg mas muaj ib tug neeg nyob hauv tsev thiab lawv yeej tau ntshai heev. Nws yeej muaj pov thawj pom nyob rau qee cheeb tsam ntawm lub tsev qhia tau hais tias Mr. Vue yeej tau tua phom hauv tsev ua ntev tub ceev xwm tuaj. Qhov xwm txheem no yeej muaj kev phom sij heev ua ntej tub ceev xwm tuaj txog. Thiab Mr. Vue qhov nws tsis kam tawm tuaj kom tsis txhob nqa phom ua rau qhov xwm txheej ntawv kub ceev heev thiab pom meej hais tias nws yuav tsis kam los nyoo. Tsuas yog tom qab nws raug tua lawm nws rab phom thiaj li plam ntawm nws sab tes. Raws li Minnesota tsab cai, yeej pom meej hais tias Officers Carlson, Crayton, Ledman, Pond, Reed, Williams, Wolff, Womble, thiab Yang's txoj kev siv qhov txov tau neeg txoj sia yeej tsim nyog lawm, sib npaug zog, thiab yeej tsim nyog thaum ntsib txoj kev hawv los ntawm kev tuag los yog kev puas tsuaj rau lub cev, thiab tsis tsim nyog tsub txim zaum no.